



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

I. Capellano & S. Subdiacono, familiaribus nostris, apostolicae sedis
Legatis.

urn:nbn:de:hbz:466:1-20006

PETRO COLIMBRIENSI
Episcopo.

Epist. 314.
Ea que decessores
juste hæc-
entis possederat,
ipsi confirmat.

Sacrofancta Romana Ecclesia &c. *Susque ad verbum* inclinati, personam tuam & Colimbriensem Ecclesiam, cui auctore Deo præesse dignosceris, cum omnibus bonis &c. *usque ad verbum* suscipimus. Specialiter autem Ecclesias de Covilian. & de terminis ejus ad exemplar bonæ memoriæ C. Papæ prædecessoris nostri, & omnes possessiones laicales quas tam prædecessor tuus quam tu in prædictis villis & ejus terminis acquisistis, sicut ea justè possidetis & quietè, tibi & per te præfatæ Colimbriensi Ecclesiæ auctoritate apostolica confirmamus, & præsentis scripti pagina communimus. Decernimus ergo &c. Datum Laterani VII. Idus Januarij.

I. C A P E L L A N O
& S. Subdiacono, familiaribus nostris,
apostolica sedis Legatis.

Epist. 315.
Pallium non
conceditur nisi
Metropolitani.
Vide supra epist.
315.

Post dies aliquot ex quo à nostra præsentia recessistis, ex relatione quorundam & inspectione libri censualis cameræ nostræ nobis innotuit quòd Antibaren. Ecclesia inter suffraganeas Ragusan. metropol. numeretur. Vnde cum tu fili I. librum illum inspexeris, miramur quòd facta tibi copia libri præmissi, nobis non aperuisti expressius veritatem. Quia verò non est nostræ intentionis statum Ecclesiarum evertere, devotioni vestræ auctoritate præsentium districtius inhihemus ne Antibaren. electo Palleum aliquatenus concedatis, nisi vobis constiterit ejus prædecessores fuisse Palleis decoratos, & dignitatem metropolitancam habuisse. Ne autem iter vestrum & legationis processus valeat aliquatenus impediri, eisdem personis, quibus per vos apostolica scripta dirigimus, sub eodem tenore literas nostras transmittimus, dempto capitulo quod faciebat de Palleo mentionem; ut utrasque penes vos habentes, vel primas vel secundas, prout opus fuerit, præsentetis. Datum Laterani VII. Kalendar. Februarij.

A R C H I P R E S B Y T E R O
& Canonice basilicæ principis Apost.

Epist. 316.
Sicut erga illos
benevolentiam &
munificentiam
declarat.

Derivata in nos ab Apostolorum principe per ipsius merita potestatis ecclesiasticæ plenitudo & apostolatus

successio, non ratione carnis per hominem legitimè procreata, sed per Deum ipsius gratia canonicè facta, inter ceteras sollicitudines cordis nostri & occupationes, quibus quotidie premimur, utpote quibus sollicitudo universarum Ecclesiarum incumbit, ad honorandam ejusdem principis Apostolorum basilicam specialiter nos inducunt, ut cum Propheta psallamus: *Domine, dilexi decorem domus tuæ & locum habitationis gloriæ tuæ.* Sanè cum Dominus noster in beato Petro, cui nos licet immeritis constituit successores, in spiritualibus prætulerit universis, & Ecclesiam in temporalibus etiam dilatarit, conveniens esse dignoscitur ut eidem beato Petro in vobis, immo Christo in eo qui nobis exhibuit universa, etsi modicum, tamen aliquid tribuere studeamus, affectum nostrum in effectum humiliter perducetes. Dignum est etenim ut quia variis pressis negotiis, dum circa lapsam religionis nobis propositum in melius reformatum intendimus, dum justitiæ consulimus oppressorum, dum singulorum consultationibus respondemus, dum ad reformandum inter discordantes pacis concordiam & pro diversis Ecclesiarum & provinciarum necessitatibus Legatos à latere nostro dirigimus, dum de terræ orientalis subventionem pensamus, principis Apostolorum basilicam dignis obsequiis frequentare non possumus, aliquibus munusculis honoremus, nihil in hoc Apostolorum principi largientes de proprio, sed de suo potius rependentes. Verùm cum decor Ecclesiarum & earum thesaurus præsertim pendeat ex personis quæ ipsis deserviunt & Domini laudes horis intonant constitutis, psallentes ei tam ore quam corde; vos, qui ad honorem Apostolorum principis in ejus Ecclesia Domino jugiter deservitis, invocantes nomen ipsius, & voce consona modulantes laudes ejus, * immo beatum Petrum in vobis tenui devotionis nostræ munusculo decrevimus honorare; sperantes quòd qui minuta viduæ pauperis acceptavit, nostræ quoque humilitatis acceptabit affectum; non quid, sed ex quo potius tribuamus, attendens. Ea propter, dilecti in Domino filij, tam redditum, quem de signis plumbeis sive stagnis Apostolorum Petri & Pauli imaginem præferentibus, quibus eorum limina visitantes in augmentum propriæ de-

* Deest heic ali-
quid.